

حقوقي بيلکيلر مجموعه سي

هر آي صوکنده نشر اولنور

بوکا مقابل ۱۹۲۳ روس یکی جزا قانونیله آلمان آوستریا پروژله لرنده وسائر اوروپا نك اسكى قانونلرنده موجود محاكمه تقابل ايتك اوزره اوچه تقسيم اساسى محافظه و قبول اولمشدر .

۱۹۲۱ تاريخلى يكي ايتاليان جزا قانونى پروژله سنك بو خصوصده وجوده كتيرديكي يكيلى آروجه بر مقاله ايله موضوع بحث ايدده جكز .

حقوق فاكولته سى مدرسلرندن
آوقات

ميرت فريدر

مفوق مالي

ويركلرده دعاوى اداره

بزم ارباب اختصاصمز مختلف ويركليرى تدقيق ايدر كن الكزياده ويركنك مطرحى، نسبتى، انعكاسى، استحصالاته درجه تأثيرى والحاصل عمومى برتغير ايله ويركليرك اقتصادى ومالى جهتلىرى مطالعه ايله مكده درلر. حال بوكه ويركى مسائلنده بوجهلر قدر تدقيقه شاين ديكر بر مسئله واردركه اوده ويركلره قارشى مكفلرك حق اعتراضلى وبواعتراضلى تدقيق ايتك اوزره تشكيل اولان هيئتلك وظيفه وصلاحتلى مسئله سيدر. بومسئله نك ماليه ايله اولدينى قدر وبلكه اوندن فضله حقوق ايله علاقه سى واردرك. ايشته اونك ايچوندر كه « حقوقى بيلكيلر » مجموعه سنده بويشتك تدقيقى مفيد عد ايلدم .

اينى بر اصول تكليف نه كې شرائطله موجود اوله جفى تحرى ايدن مشاهير اقتصاديوندن « آدام اسميت » هر فردك ايفايه مجبور اولدينى ويركنك مقدارى قطعياً معلوم ومعين اولمى. كينى وخود سرانه اولماما ليدر ديسه مهم بر قاعده وضع ايله مشدر . بوقاعده نك ايضاحى صره سنده دنيلمكده دركه ويركنك معلوم ومعين اولمى كافى دكلدر. بلكه بر مكلف كنديسنه طرح ايديلن ويركنك مقدارى فاحش كوردره ، ياخود تحقق مأمورلرينك كنديسنه نسبت قانونيه دن فضله ويركى طرح ايلدكلىنى ظن ايلرسه نره به اعتراض

ایده جکدر، اعتراض مدتی نه قدر در. اعتراضلری تدقیق ایله مکلف اولان هیئتلرک وظیفه لری و صلاحیتلری نه دره، بونلری ده بیلک ایجاب ایدر.

شو تقدیرده ویرکی مسئله لرده مکلفلر ایله خزینه آواسنده براختلاف تحدن ایدر سه بونک مرجع حل وفصلی ویرکی قانونلرنده هر درلو شبهه و ترددن آزاده بر صورتده مصرح اولمالیدر. تا که کیفی و خودسرانه معاملاتنه محل قالماسین. ایشته تکمیل بومسئله لره ویرکیلرده دماوی اداره دیدک.

مکلف کندیسندن طلب اولان ویرکینک بالاده عرض ایتدیکم وجهله مقداری، نسبتی، طرحی یولسز کورر سه بوکا اعتراض ایده جک وسائط قانونیه مالک اولمالیدر و بوسائط قانونیه هم سرعتله، هم ده سهولته ایش کورمه لیدر. فقط اصل مهم اولان جهت اشبو وسائط قانونیه نیک بی طرف اولسیدر. دیگر جهتدن بعض احوال اولور که مکلفلرک مدیون اولدقلری ویرکی بورجک کلیاً و قسماً عفوی لازم کلیر. مثلاً محصولاتی دولو، یانغین، طغیان میاه ایله خساره اوغرامش اصحاب اراضیه، ایراد کتیرمک اوزره یابدیرلش اولدینی حالده مستاجر بولامیان اصحاب املاکه بعض معایتلر بخش ایتک مقتضای عدالتیه موافق اولور. آنجق بویکی حال کمال دقتله بررندن تفریق ایدلمه لیدر. ویرکیدن بورجلری اولانلر طرفندن سرد ایدیلن اعتراضلر عینی ماهیت حقوقیه بی حائز اولمادینی ایچون عینی قواعد تابع اولامازلر. چونکه برنجی حالده مکلف بورجک مشروعیتیه اعتراض ایدر. یعنی علاقه دار مأمورلر طرفندن ویرکینک قانونه موافق صورتده طرح اولنمادیغنی، احکام قانونیه رعایت ایدلمدیکنی ادعا ایلر. بوکا اعتراضات اداریه Réclamations contentieuses دنیلیر.

ایکنجی حالده مکلف ویرکی بورجک مشروعیتیه اعتراض ایتیه بور، بورجک قسماً و یا تماماً عفونی ایسته بور. بوکا فرانسزلر Réclamations gracieuses دیورلر که عفوی طلبلری دیه جکزر.

اعتراضات اداریه بی طرف، قانونه واقف، فنی بر مأموره یعنی بر «حاکم» عرض اولنور. عفوی طلبلری ایسه اداره حل اولنه جق مسئله لر دندر. بوقیل مطالبک سه استعمالاته واسطه اولاملری ایچون تدابیر احتیاطیه اتخاذ ایدلمک کر کدر.

هر مملکتده موضوعات قانونیه بوا یکی نوع مطالبی، بونلرک صورت حل و تسویه سنی آیری آیری احکامه تابع طومشدر. مقایسه یه مدار اولق اوزره بومسائلک صورت مخصوصده تدقیق ایدلدیکی فرانسه ده اعتراضات اداره ایله عفو طلبلرینک هانکی اصوله تابع اولدیغنی بومقاله ده مطالعه ایدمک، دیگر بومقاله ده دخی مختلف ویرکی قانونلریمزله بزده مکلفلره بخش اولنان اعتراض حققرینی تدقیق ایلیمک.

فرانسه ده عفو طلبلری منلق برنهیج حقوقیه تابع دکلدر. ذاتاً فرانسه ده بونوع طلبلر آنجق بلاواسطه تکالیف حقنده موجوددر. اگر مکلف ویرکینک تمامیله عفوینی ایسته یورسه بوکا *Demande en remise* قسماً عفوینی طلب ایدیورسه بوکا *Demande en modération* دنیلیر.

بونوع مطالب بعضاً بر صورت مشترکده اجرا اولنه بیلیر. مثلاً طوئک، دولو، طغیان میاه کبی فوق العاده وقایع ناحیه نک مهم بر قسمی خساره اوغرادیرسه بو طلب ناحیه مدیری طرفندن اجرا اولنور (۸ نجی سنه نک ۲۴ قلوره آل تاریخی قرارنامه نک ۲۶ نجی ماده سی).

بوظلک مستند اولدیغنی احوالک حق تقدیری اداره مأمورلرینه راجعدر. بورجک قسماً ویا تماماً عفو ی طلبی والیه ویریلیر، والینک ویردیکی قرار علیه مالیه ناظرینه اعتراض اولنه بیلور (عینی قرارنامه ماده ۲۸). هیچ بر صورتله بومقررات علیه دعاوی اداره طریقله برحاکم حضورینه ویا شورای دولته چیقیلمه ماز. بعض دفعه قانون مأمورین اداره نک صلاحیتلرینی تحدید ایلیمکده در. مثلاً ابنیه ویرکوسندن تماماً ویا قسماً معافیه قرار ویریله بیلیمک ایچون بونلرک هیچ اولمازسه بر سنه بوش قالدقلرینک ثابت اولسی لازم کلیر (۸ اغستوس ۱۸۸۰ تاریخی قانونک ۳۵ نجی ماده سی).

اعتراضات اداره ده مکلف برحق طلب ایدر. اشخاصک اموالندن جبراً طلب ایدیلن و «ویرکی» دنیلن شی آنجق ایکی شرط ایله قانونی اولور: بری ویرکی حائز صلاحیت اولان قوای عمومییه جانبندن اشکال قانونیه ده تثبیت اولنق، دیگرکی ویرکیدن هر شخصه اصابت ایدن حصه شرائط و اشکال قانونیه یه موافق اولق اوزره طرح وجبایت ایدلمک. اگر بومکلف کندیسنه طرح اولنان ویرکی بونقطه نظرلردن بری ویا دیگرکی حقنده

تفقد ایدیورسه دعاوی اداریه در میان ایله‌یور دیمکدر . بو اعتراض بالطبع بر اداره مأمورینه دکل بر حاکمه سرد ایدمک ایجاب ایلر .

ا کر ویرکی حائز صلاحیت اولمایان بر مأمور طرفندن وضع و طرح اولمش ایسه بوبابده فرانسه‌ده متخذ اولان قاعده ویرکی‌نی تحقق ایتدیرن و تحصیل ایله‌ن مأمورلرک شخصاً مسئول اولمالری کیفیتدر . خزینه‌ی علینه ویرکی‌یه ایدیلن اعتراضه کلنجه بوبابده فرانسه موضوعات قانونیه‌سی موجب ممنوعیت احکامی حاویدر . بوراده مکلف مطلوب اولان تأمیناتی همان‌ده حائزدر خزینه‌ده برشی غائب ایتمز . فرانسه اصولنده بروجه آتی اوج قاعده وارد: ۱) اعتراضات بر «حاکم» عرض اولنور. ۲) اصول محاکمه بسط و سریع و آاز مصرفیدر. ۳) اعتراضات مکلفلر ایچون ویرکی بورجنگ تأدیه‌سنده تاخره بر سبب تشکیل ایده‌مز .

برنجی قاعده . — بر مکلف یا ویرکینک قانونه موافق اولمایه‌رق طرح و توزیع اولندیغنی، یا خود نسبت درجه‌سنگ قانونک تعیین ایلدیکی نسبتدن فضلّه بولندیغنی ادما ایدرسه اعتراضی بر «حاکم» عرض اولنور . بو حاکم طوغریدن طوغری‌یه جاری ویرکیلر ایچون بدایه ولایت مجلسی واستینافاً شورای دولتدر . بالواسطه ویرکیلر ایچون محاکم عدلیه‌در (ویرکیلره کوره بعضاً صلح حاکمیری، بعضاً حقوق محکمه‌لری) .

مع هذا فرانسه‌ده اعتراضاتک بر «حاکم» عرض ایدلمسی قاعده‌سی بردنره قبول اولنمامشدر . آنجق ولایت مجلسرینک اثنای احداثنده‌در که طوغریدن طوغری‌یه ویرکیلره هاند دعاوی اداره‌نک محاکم اداره‌ده حل و جسم ایدیله‌جکی اساسی قبول ایدلمشدر . اوزماندنبری اعتراضاتک بر «حاکم» عرض ایدلمسی قاعده‌سنگ تطبیقندن صرف نظر ایدلمه‌مشدر . طوغریدن طوغری‌یه جاری ویرکیلره بالواسطه ویرکیلر حقنده‌کی اعتراضاتک آیری آیری مرجعلرده حل ایدلمسی خصوصنده واضع قانونک یا بدینی بوتفریق مأمورین اداره ایله مأمورین عدلیه‌نک یکدیگرنک تفریقته دائر اولان نظریه‌دن ایلر و کلیور ایدی . بونظریه‌یه کوری قوای عمومیه‌نک افعالی علی‌العاده محاکم اداره‌نک، اداره‌نک افعالی‌ده محاکم عدلیه‌نک صلاحیتی داخلنده‌در . احواله طوغریدن طوغری‌یه جاری تکالیفه اعتراض ایدن بر مکلف کندیسنه طرح و توزیع اولتان بر ویرکویه یعنی قوای

عمومیه نك افعالندن بر فعله اعتراض ایتمش اولور. بناءً علیه بواعتراضنك محاكم ادارهیه عرض ایدلسی بك طبعیدر. بالواسطه ویرکیلرده ایسه شخصه تبلیغ ایدلمش بر توزیع و طرح جدولی یوقدر. اداره بر استهلاک، بر اعمالانه، برایشه، بر نقلیه و الخ ... قانونی بر تعرفه تطبیق ایلمکدهدر. اگر مکلف بر اعتراض در میان ایدیور ایسه تعرفهیه، یعنی قوای عمومیه نك وحید الطرف اولان بر عینده اعتراض ایتمش دکلدر. بلکه تعرفه نك کندی حقنده یا کلتش تطبیق ایدلدیکنی ادعا ایلمکدهدر.

ایشته بونك ایچون برنجی حالده صلاحیت اداره نك، ایکنجی تقدیرده عدلیه نك در دنیلمکدهدر. ایددی صلاحیت اداره نك موضوعی شخصی توزیع جدولی و یا خود شخصی بر قرار اداریدر. بنابرین نه وقت که مکلف نه بر توزیع جدولته، نه ده بر قرار اداریه اعتراض ایتمه یورسه صلاحیت محاکم عدلیه عائددر. پارس حقوق فاکولته سی معلملرندن غاستون ژنه بومشله دن بحث ایدر کن دیور که: «فکر مه کوره بواضا حاکم بویوک برامیتی یوقدر؛ شخصی هر ویرکی بورجنک اساسنده طبیعتیه وحید الطرف بر قرار اداری اولدینی دنیلدیکنی کچی قوای عمومیه نك بر فعلی واردر. ایددی هر حالده منطقی صلاحیت ادارهیه طائد اولمالیدر».

بونکله برابر قاعده قطعیدر و بوندن استخراج اولنان نتایج بروجه آتیدر:

أ. — طوغریدن طوغریه جاری ویرکیلر. — مکلف کندیسنه اصابت ابدن طوغریدن طوغریه برویرکینک مطرحنه اعتراض ایتمک ایسترسه صلاحیت بدایه ولایت مجلسنه، استینافاً شورای دولته عائددر. ولایت مجلسی اعتراض اولنان ویرکیه اساس اولان تخمیناتی و حادثاتی، اداری مقرراتک ماهیت مجبوریه سنی و مطابق قانون اولوب اولمادیغنی تقدیر ایدر. مثلاً سندیهیه عائد برویرکی حقنده بر اعتراض دو میان ایدیلیرسه ولایت مجلسی سندیهیه نك منظمأً تنسیق ایدیلوب ایدلدیکنی، ویرکینک جمعیتی تأسیس ایدن اساسلره موافق اولوب اولمادیغنی تدقیق ایتمک حقنه مالکدر. لکن ولایت مجلسی ویرکینک موافق اولوب اولمادیغنی تدقیق ایدمه مز. بومحصرأً ویرکی بی وضع ایدن مأمورینک صلاحیتلری اولان بر کیفیتدر. کذلک نه کندیسندن طلب اولنیمان بر عفو و تنزیلی بخش ایتمکه، نه ده کندیسنه برنسبتی تزئیده مقتدر دکلدر.

اگر مکلف ویرکینک مطرحنه دکلده حقنده اجرا ایدیلن تعقیبانه اعتراض ایلمه یور

ایسه تفریق مسئله ایتک کر کدر. اگر مدار اعتراض اولان تعقیبات اداری ایسه صلاحیت اداره، عدلی ایسه عدلیه عاؤدر.

اگر اختلاف اداره ایله مکلفدن غیری وقانونک مسئول عد ایله یکی بر شخص آراسنده تحدث ایدرسه ولایت مجلسی بروجه آتی حالده حائز صلاحیتدر. شویله که قانون اصل مدیونک فقدانی حالنده بواشخاص ثالثی شخصاً مسئول ایدیورسه اوزمان ولایت مجلسی تدقیق اعتراضه صلاحیتداردر. مثلاً: موبیلیه ویرکیسه، یاخود پانت ویرکیسه تابع اولان مستأجرینک تحصیلدارک مقبوضی طلب ایتکسزین ویا تحصیلداره خبر ویرمکسزین مستأجرینک تخلیه سینه مساعدیدن صاحب ملک بالعکس اگر اشخاص ثالث ویرکی بورجه شخصاً یا بانجی اولوبده آنجق مکلفه عاؤد و خزینه نک آلاجنه مخصوص قیم ومبالغه وضع ید اولمق اعتباریله تعقیباته تابع طوتیلیورسه صلاحیت محاکمه عاؤدر. مثلاً: خزینه نک لهنه مخصص اولوبده خزینه طرفندن حجز وضع اولنان اراضی واملاک مستأجرلری، تحصیلدارلر، وکیلخرجلر، کاتب عدلر، مزاد مأمورلری وسائر امواله واضع الید اولانلر حقهده صلاحیت محاکم عدلیه عاؤدر.

ب. — بالواسطه ویرکیلر. — عمومیتله اختلاف عدلدر. یعنی ویرکی ایستر دولته، ایستر نواحیه عاؤد اولسون، ایسترسه بر اداره عمومیه یی ویا امور نافعهدن برینی اجرا ایدن صاحب امتیاز لهنه مطروح بولنسون مسئله دیکشمز. بناءً علیه اوقترودن، هالرده وچارشولرده اشغال اولنان محللردن، عمومی یوللر اوزرنده توقف ایتکدن آلنان رسومدن، تجارت اوطه لری طرفندن جایت اولنان طون رسومندن، شمندوفرلرده وبعض کوبریلرده آلنان مروریه رسومندن متولد اختلافاتک حلی محاکم عدلیه نک صلاحیتی داخندهدر. مع هذا صورت استثنائیهده بالواسطه ویرکیلرده ویرکینک مطرحی شخصی بر جدولدن منعبت ایسه صلاحیت اداره عاؤدر. بناءً علیه توتون زراعلری ایله رژی آراسنده زراعدن طلب اولنان توتونلردن نقصان اولان مقدارک تحصیلی حقهده کی اختلاف ولایت مجلسلرنجه حل وحسم اولمنقهدهدر. فی الحقیقه بوتحصیل کیفیتی بالواسطه ویرکی مدیری طرفندن تنظیم ووالی طرفندن تصدیق اولنان برجدوله بناءً اجرا اولنور. محاکم عدلیه نک صلاحیتدار اولدینی حالده مراجعت یا بدایت حقوق محکمه سینه (بالواسطه ویرکیلر، قیدیله رده) یاخود صلح حاکمه (کرمک رسومنک تحصیلنه طوغریدن

طوغری به ویا طولایسیله تعلق ایدن بالجه اعتراضات (واقع اولور . استیناف آجق حقوق محاکمده اولور .

محاکم عدلیه بویه بر اعتراض قارشوسنده ویرکی به اساس اولان اداری عقدلری تفسیر و بونلرک مشروعتنی تقدیر ایده ییلیر .

ایکنجی قاعده . — اصول محاکمه بسیطه ، سریع ، آز مصرفلیر .

أ ، طوغریدن طوغری به جاری ویرکیلر . — اصول محاکمه سریعدر . اعتراضات ، قاعده عمومی اوله رق ، ویرکی جدوللرینک اعلانندن اعتباراً اوچ آی ظرفده اجرا ایدله لیدر . بوطلب بوجه آتی معامله کوریر :

عرفحال ، طوغریدن طوغری به ویرکی قونطرولورینه کوندریلیر . قونطرولور ناحیه مدیرینک ویا ویرکو توزیع مأمورینک رأیلرینی آلدقندن ووقایی تحقیق ایتدکدن صکره رأینی بیان ایدر . اگر بر طرفدن ناحیه مدبری و توزیع مأمورلری ، دیگر طرفدن بلا واسطه ویرکی مدبری عرفحال قبولیه ویرکینک قسماً ویا کلیاً ترقینی رأینده بونلور لرسه ترقین قید معامله سنه دیگر بر معامله لیه لزوم اولمق سزین مدیر طرفدن حکم اولنور . اگر عرفحال قبولی موافق بولمازلرسه مدیر فکرینک اسباب موجب سنی یازوب دوسیه نی متصرفه تقدیم ایلر و صاحب استدعایه خبر ویرر . صاحب استدعا اون کون طرفنده یکی مطالعات و ملاحظات وار ایسه اونلری سرد ایدر و یا خود کیفیتک اهل خبریه حواله اولمسنی طلب ایلر . بوتقدیرده اهل خبریه حواله کیفیت ایدلک مجبوریدر . حکم ولایت مجلسی طرفندن ویریلیر . فقط تطبیقاتده ولایت مجلسی علی الا کثر اداره نک قرارینی تصدیق ایلر . ولایت مجلسی قرارینی استدعا تاریخندن اعتباراً آلتی آیده ویرمکه مجبوردر . قراونک مکلفه اداره تبلیغندن اعتباراً ایکی آی ظرفده شورای دولت نزدنده استیناف اولنوبیلور . استیناف استدعاسی متصرفه یا خود والیه ، یا خود شورای دولت باش کاتبه خطاباً یازیلور . کذلک اصول محاکمه آز مصرفلیر . حتی بعضاً بسبتون مجانیدر . فی الحقیقه اگر ویرکی اوتوز فراقه مساوی ویا آندن فضل اولورسه اعتراض استدعاسنه پول الصاق اولنور . اوتوز فرانقندن آشاغی اولورسه بولدن معافدر شورای دولته کی استیناف استدعاسی ایچونده قاعده ینه بویه در . طلب قبول اولنورسه مصارف رد و اعاده اولنور .

اسول محاکمہ نك هانده مجانی اولسی طوغریدن طوغری به ویرکیلده اعتراضات اداریه نك کثرتله اجرا اولنسنه بادی اولمشدر.

هر سنه بر قاچ یوز بیک اعتراض اجرا اولنقدهدر. ولایت مجلسلیه شورای دولت بو اعتراض استدعایلیه دولوددر. ولایت مجلسلی بوطوفان اعتراضه بلا محذور تحمل ایدرلر. زیرا بو مجلسلرده اعضانك وظیفه سی طوغریدن طوغری به ویرکیلر طأد اعتراضلرده آنجق بر حکم تقلیدی ویرمکدن عبارتدر. لکن مسئله جدی بر صورنده حکم ویرن شورای دولت ایچون بو قدر اعتراض تحمل فرسادر. بونك ایچون مشکلات ابراز ایتمین اعتراضاتندن محاکم اداریه بی قور تارامق مقصدیله بر طاقم قانونلر وضع اولنمشدر.

ب؛ بالواسطه ویرکیلر. — بوراده دخی اصول محاکمه سریعدر. اعتراضات قیسه بر مدت ظرفنده اجرا ایدله لیدر. بالواسطه ویرکیلردن استهلاکات داخلیه رسومی ایچون آلتی آی ویا ایکی سنه، پول وقیدی رسومی ایچون ایکی سنه، کمرک رسومی ایچون ویرکینک تأدییه سندن یا خود امتعه نك کمرک ده بولرینه وضعتدن اعتباراً ایکی سنه. قانون حاکمه حکم ویرمک ایچون قیسه بر مهلت ویرمشدر. کمرک مسائلنده قانون (در عقب) کله سنی استعمال ایدیور. اگر احوال بر مهلت ویرلسنی ایجاب ایدیورسه بو مدت اوچ کونی تجاوز ایده مز. استیناف حاکمی ایچون مدت عینی در. حتی بعضاً ده سربع اولمق ایچون قانون استینافی منع ایلده مشدر. مثلاً قیدی بلا واسطه ویرکولر مسائلنده مراجعت ایدیلده جک یکانه طریق اعتراض، تمیز، اعتراض التیر، اعاده محاکمه در. بالعکس کمرک مسائلنده استیناف دائماً ممکندر؛ صلح حاکملری طرفندن ویریلن بالجله حکملر دعوانك قیمتی نه اولورسه محاکم حقوقیه نژدنده قابل استینافدر.

محاکم عدلیه نژدنده اصول محاکمه آز مصرفلیدر. اصول محاکمه حقوقیه قواعدی تعقیب اولنماز. نته کیم پول وقیدی مسائلنده مکلف مالیه ناظرینه ویا قیدی مدیر عمومیسه پوللی بر عرضحال ویرر. طلبی اسعاف اولنمازسه. رسمک تحصیل اولن دینی ناحیه نك تابع اولدینی محل حقوق محکمه سنه مراجعت ایدر.

اوچنچی قاعده؛ اعتراضلر ویرکی بورجك تأدییه سنده تأخره بر سبب تشکیل ایتمز. مکلف، اعتراضی اجرا ایدمجهکی زمان وعده حلول ایتش ایسه، بو اعتراض وسیله سیله ویرکی بورجك تأدییه سنی تأخیر ایده مز.

ا، طوغریدن طوغری به جاری تکلیف . — اعتراض ایله برابر مکلف یالکیز وعده سی کچمنش بورجی دکل بلکه وعده سی حلول ایله مش بولنان تقاسیطی دخی ویرمه که مجبوردر. مع هذا اگر ولایت مجلسی اعتراض تاریخندن اعتباراً آلتی آی ظرفنده حکمنی ویرمرسه مکلف وعده سی حلول ایده جک تقاسیطی تأخیر ایتک حقنه مالکدر. آنجق بوحق استعمال ایچون عرفهالنده بوصورتله حرکت ایده جکنی سویله می لازمدر. ولایت مجلسنک قرارینه قارشی شورای دولته کی استیناف دخی بورجک تأدییه سی تأخیر ایده مز. ب، بالواسطه تکالیف. — بوراده دخی اعتراضات بورجک تأخیر تسویه سی ایجاب ایتمز. ذاتاً علی الا کثر بوقیل ویرکیلر پیشین آلییر. بناءً علیه مکلفک اعتراضی ویریلن پارهنک استرداد دی مقصدیله اولور. مثلاً : ۲۶ شباط ۱۹۰۱ تاریخلی قانونک بشنچی ماده سنک برنجی فقره سی بورجک تنزیلی تقدیرنده انتقال ویرکوسنک استردادندن باحثدر. کذلک کمرک مسئله سنده ویرکینک تحصیلی ایچون ویریلن اعلاماتک اجرایی هیچ بروسيله و اعتراض ایله تأخیر ایدیله مز. حکام بو اعلاماته قارشی هیچ برمدافعه و تأخیر طلبی استماع ایده مز، دیگر بالواسطه تکالیفده دخی قاعده عینیدر. اعلامک اجرایی هیچ بر درلو اعتراض ایله تعویق و تأخیر اولنه ماز .

۱۵ نیسان ۱۹۲۷

دارالقنون حقوق فاکولته سی علم مالی

وقوانین موضوعه مالییه مدرسی

عینی زاده مسیح نحسین

مفوقه اداره :

قضای اداری کیمه عائد اولمالیدر

III

ایکی نوع قضائک موجودیغندره مترله محذوردر

قضای اداری ، تشکیلاتی نه قدر منظم فرض اولنورسه اولسون و او تشکیلاتی ترکیب ایدن اعضالک استقلال رأیبری حقنده کی تأمینات نه اولورسه اولسون ، بو مؤسسه نک موقعی دون اولمقدن قورئیه مامشدر. زیرا تشکیلات عدلیه نک عمومی قادرو-